

ԵՎՐԱԽՆՏԵԳՐՈՒՄ

ԳԻՈՐԳԻ ԿՎԻՐԻԿԱՇՎԻԼԻ. «ԱՆԱՅՅԵԳՐԱՅԻՆ ՊԱՅՄԱՆԱԿԱՐԳԸ ՄԵՐ ՄԵԾ ԶԵՌՔԲԵՐՈՒՄՆ Է»

ՎԱՐՉԱՊԵՏԻ ՅԵՏ ՊԱՏՎՈՐԱԿՈՒԹՅԱՆ ԿԱԶՄՈՒՄ ԵՐ ԻԼԻԱՅԻ ՀԱՄԱԼՍԱՐԱՆԻ ՈՒՍԱՆՈՂՈՒՅԻ ԱԽԱԼՔԱԼԱՔՑԻ ԳԱՅԱՆԵ ԱԿՈՋՅԱՆԸ



Մարտի 28-ին, ի նշանավորումն անայցեգրային պայմանակարգի շնորհման պատմական փաստի, Վրաստանի վարչապետ Գիորգի Կվիրիկաշվիլին, գերազանց եւ հասարակական ակտիվությամբ աչքի ընկնող ուսանողների, գիտնականների, լրատվամիջոցների ներկայացուցիչների ու կառավարության անդամների հետ, առանց այցեգրի թբիլիսիի օդանավակայանից ուղևորվեց եվրոպական քաղաքակրթության հնագույն մայրաքաղաք Աթենք, ապա եւ Եվրոպայի քաղաքական կենտրոն Բրյուսել: Վրաստանի վարչապետի հետ միասին պատվիրակության կազմում էր Թբիլիսիի Իլիայի համալսարանի ուսանողուհի, ախալքալաքցի Գայանե Ակոջյանը (ճեպագրույցը Գ.Ակոջյանի հետ՝ 4-րդ էջում):

Մարտի 28-ին Աթենքի ազգային համալսարանում վարչապետը մասնակցեց «Վրաստանը Եվրոպայից Եվրոպա» խորհրդաժողովին: Աթենքում Վրաստանի վարչապետը հանդիպում ունեցավ Հունաստանի կառավարության ղեկավար Ալեքսիս Ցիպրասի հետ: Համդիպման ավարտին կողմերը հանդես եկան

համատեղ հայտարարությամբ: Եվրոպայի քաղաքական մայրաքաղաք Բրյուսելում Վրաստանի կառավարության ղեկավարը երկկողմ հանդիպումներ անցկացրեց եվրոպական խորհրդի նախագահ Դոնալդ Տրուսկի, եվրահանձնաժողովի նախագահ ժան Կլոդ Յունկերի հետ:

(Շարունակությունը՝ 2-րդ էջում)

ԴԻՐՔՈՐՈՇՈՒՄ

ԳԻՈՐԳԻ ՄԱՐԳՎԵԼԱՇՎԻԼԻ. «ՎՐԱՅԻՆԵՐԸ, ԱԲԽԱՉԵՐՆ ՈՒ ՕՍԵՐԸ ԿԱՐՈՂ ԵՆ ՀԱՍՆԵԼ ՀԱՄԱՉԱՅՆՈՒԹՅԱՆ»

Անհմարին է՝ խոսելով կոնկրետ վրացու, կոնկրետ աբխազի եւ կոնկրետ օսի հետ ու չհասնել համաձայնության:

Այդ մասին Հանրային հեռուստատեսությանը տված հարցազրույցում հայտարարեց Վրաստանի նախագահ Գիորգի Մարգվելաշվիլին: Նա նշեց, որ կան բարդություններ, թույլ են տրվել սխալներ, սակայն «լավ տրամադրվածության պայմաններում հիմնախնդրի լուծման արգելքներ գոյություն չունեն»:

«Մենք ընթանում ենք եվրոպական ուղիով ոչ թե որպես կոնկրետ քաղաքական գործիչ կամ քաղաքական կուսակցություն, այլ՝

ինչպես ազգ, ինչպես հասարակություն, ինչպես մշակույթ: Երբ տեսնում ենք, թե ինչ ուղղությամբ է զարգանում երկիրը, չնայած քաղաքական տարածայնություններին ու հայացքներին, մենք միանշանակ ասում ենք, որ երկիրը պետք է դառնա համաձայնության եւ համագործակցության տարածք: Այս երկրում մենք պետք է գտնենք զգայական բարդությունների լուծման ուղիները: Նման հնարավորություն գոյություն ունի յուրաքանչյուր մարդու կոնկրետ մակարդակով»,- հայտարարեց Գիորգի Մարգվելաշվիլին:



ԷԿՈՆՈՄԻԿԱ

ՏՆՏԵՍԱԿԱՆ ՏԱՐԿԱ ԽՈՍՏՈՒՄՆԱԼԻՑ ՄԵԿՆԱՐԿԸ



2017 թվականի առաջին ամիսները ցույց տվեցին, որ երկիրը հաջող մեկնարկ է վերցրել: Այսպես արձագանքեց վիճակագրական ծառայության տվյալներին Վրաստանի ֆինանսների նախարար, առաջին փոխվարչապետ Դմիտրի Քունսիշվիլին:

Նշենք, որ վիճակագրական ծառայության տվյալներով, փետրվարին տնտեսական աճը եղել է 4,4 տոկոս, իսկ տարվա առաջին երկու ամիսների ցուցանիշը կազմել է 4,8 տոկոս: «Այս տարվա համար ծրագրված է ՀՆԱ-ի 4 տոկոսանոց աճ եւ առաջին ամիսները

որ ցույց տվեցին, որ մենք բավականին հաջող ենք ընթանում»,- հայտարարեց Դմիտրի Քունսիշվիլին: Մեկնաբանելով վիճակագրական ծառայության հաշվետվությունը, Վրաստանի էկոնոմիկայի եւ կաշիքի գերատեսչի նախարար Գիորգի Գախարիան նշեց, որ տարվա առաջին երկու ամիսների տնտեսական աճի ցուցանիշը խոստումնալից է: «Տնտեսական աճի առումով մենք տարածաշրջանում առաջինն ենք, սակայն հասկանում ենք, որ 4,2 տոկոսը իդեալական չէ, եւ մենք ձգտում ենք ավելիին»,- հայտարարեց Գիորգի Գախարիան:

ՄԱՐՏԻ 31-ԻՆ ԱՆԿԱՍՏՈՒԹՅԱՆ ՀԱՆՐԱՔՎԵԻ ՕՐ

ԱՆԿԱՍՏՈՒԹՅԱՆ ՀԱՆՐԱՔՎԵՆ՝ ԱՆԿԱՍՏ ՊԵՏԱԿԱՆՈՒԹՅԱՆ ՎԵՐԱԿԱՆՔՆԱՆ ՆԱԽԱԴՐՅԱԼ

Մարտի 31-ին Վրաստանում նշվեց 1918 թվականի անկախության ակտի հիման վրա Վրաստանի անկախության վերականգնման հարցով 1991 թվականի մարտի 31-ին անցկացված հանրաքվեի 26-ամյա տարելիցը:

Խորհրդային իշխանության առկայության պայմաններում այն ժամանակ հանրաքվեին մասնակցեց աննախընթաց թվով մարդ՝ 3.302.302: Հանրաքվեի հարցին «Համաձայն եմ, արդյոք, որ 1918 թվականի մայիսի 26-ի ակտի հիման վրա վերականգնվի Վրաստանի պետական անկախությունը», Վրաստանի ծայրի իրավունք ունեցող բնակիչների (այդ թվում՝ արխագներն ու օսերը) 98 տոկոսը դրական պատասխան տվեց:

1991 թվականի մարտի 31-ին հանրաքվե անցկացվեց անկախ Վրաստանի առաջին նախագահ Զվիադ Գամսախուրդիայի գլխավորությամբ, ընդ որում, նրա ծննդյան օրը: Այս տարի կլրանար նրա 78-ամյակը: 1991 թվականի ապրիլի 9-ին, մարտի 31-ին անցկացված հանրաքվեի արդյունքներից ելնելով, Վրաստանի Հանրապետության Գերագույն խորհուրդը հռչակեց Վրաստանի պետական անկախության վերականգնումը:

ՀՈՐԵԼՅԱՆ

ՆԵՇԵՅՑՆԱԿԱՆ ՈՒՂԱՓՈՒ ԵԿԵՂԵՑՈՒ ԱՎՏՈՎԵՏԱԿԱՆՈՒԹՅԱՆ ՎԵՐԱԿԱՆՔՆԱՆ 100-ԱՄՅԱԿԸ

Մարտի 24-ին Վրաստանի խորհրդարանում անցկացվեց Վրաց Ուղղափառ եկեղեցու ավտոկեֆալիության վերականգնման 100-ամյակին նվիրված խորհրդաժողով, որին ներկա էին երկրի առաջին դեմքերը, օրենսդիր ու գործադիր իշխանությունների եւ դիվանագիտական կորպուսի ներկայացուցիչները, Սինոդի անդամները եւ այլ կրոնական համայնքների ղեկավարներ: Խորհրդաժողովին ներկա էին Վիրահայոց թեմի առաջնորդ Վազգեն Եպիսկոպոս Միրզախանյանը եւ «Վրաստան» թերթի խմբագիր Վան Բայրուրթյանը:

Խորհրդաժողովում Վրաստանի անկախության եւ ազատության համար պայքարում Վրաց Ուղղափառ եկեղեցու դերի մասին ելույթ ունեցան եւ հորեյլանց շնորհավորեցին Վրաստանի

(Շարունակությունը՝ 3-րդ էջում)

ՀԱՆԳԻՊՈՒՄ ՊԱՏՎՈՐԱԿՈՒՅԻ ՅԵՏ

ԱԽԱԼՔԱԼԱՔՅԻՆԵՐԸ ԲԱՐՉՐԱՅՐԻՆ ԻՐԵՆՅՆ ԶՈՒՅՈՂ ՀԱՐՅԵՐԸ

Մարտի 31-ին Վրաստանի խորհրդարանի Ախալքալաքից եւ Նինոծմինդայից մեծամասնական պատգամավոր Յենգել Սկոյանը հանդիպում ունեցավ Ախալքալաքի սակրեբուլոյի պատգամավորների, վարչության աշխատակիցների, շրջանի գյուղերի ներկայացուցիչների հետ:



Հանդիպմանը, որին ներկա էին Վրաստանի խորհրդարանի պատգամավոր Սամվել Մանուկյանը, Ախալքալաքի մունիցիպալիտետի վարչության եւ սակրեբուլոյի նախագահներ Էդուարդ Աղասարյանն ու Համլետ Մովսիսյանը, Յենգել Սկոյանը խոսեց մեկ ամիս առաջ տեղի ունեցած հանդիպման արդյունքներով ստեղծված հանձնաժողովի աշխատանքի մասին, որը հանրագումարել էր գյուղերում անցկացված հանդիպումներում բարձրացված հարցերը: Խորհրդարանի մեծամասնական պատգամավորի խոսքով, կրկին հրատապ է մնում խմելու ջրի հարցը: Նշվեց, որ այս տարի մունիցիպալիտետի 14 գյուղերի ջրամատակարարման հարցի կարգավորման համար հատկացվել է 12 միլիոն լարի: Հրատապ հարցերի թվում էին նաեւ բնական գազի անցկացման, կենցաղային մնացորդների դուրսբերման եւ գարնանային աշխատանքների կա-

պակցությամբ ծագած հիմնախնդիրների կարգավորումը: Պատգամավորը հայտարարեց, որ այդ հարցը գտնվում է երկրի գործադիր իշխանության ուշադրության կենտրոնում եւ այն կլուծվի: Հանդիպմանը բարձրացվեց նաեւ ապրիլի 2-ին Հայաստանում անցկացվելիք խորհրդարանական ընտրությունների թեման: Յենգել Սկոյանը, ներկայացնելով Վրաստան-Հայաստան ներկայիս հարաբերությունների բարձր մակարդակը, դիմեց ներկաներին, իրենց ազդեցությունն օգտագործել Հայաստանում ապրող, ծայրի իրավունք ունեցող հարազատների վրա քվեարկելու Հայաստանում կառավարող կուսակցության օգտին: «Դրանով մենք մեր լուծման կներդնենք Վրաստան-Հայաստան հարաբերությունների էլ ավելի ամրապնդման գործում»,- հայտարարեց պատգամավորը:

Շաբաթից շաբաթ. Փաստեր եւ իրադարձություններ

ՀԱՂՈՐԳՈՒԾ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՀՐԲԵԼՅԱՆ

ՆՇԿԵՑ ՎՐԱՑ ՈՒՂՂԱՓՈՒ ԵԿԵՂԵՑՈՒ ԱՎՏՈԿԵՑԱԼԻՈՒԹՅԱՆ ՎԵՐԱԿԱՆԳՆՄԱՆ 100-ԱՄՅԱԿԸ

(Սկիզբը՝ 1-ին էջում)

խորհրդարանի նախագահ Իրակլի Կոբախիձեն, Վրաստանի նախագահ Գիորգի Մարգվելաշվիլին եւ Վրաստանի վարչապետ Գիորգի Կվիրիկաշվիլին:


Բանախոսների ելույթներից հետո՝ ներկայացրեց Վրաստանի Ուղղափառ եկեղեցու ավտոկեֆալիության վերականգնման 100-ամյակին նվիրված ցուցահանդեսը, որը կազմակերպել էր խորհրդարանի ազգային գրադարանը:

Միջոցառման ավարտին, Վիրահա-

յոց թեմի առաջնորդը Համայն Վրաստանի Կաթողիկոս-Պատրիարք Սրբազնագույն եւ Երանաշնորհ Իլիա Երկրորդին փոխանցեց Ն.Ս.Ս.Տ. Գարեգին Բ Ամենայն Հայոց կաթողիկոսի շնորհավորանքը Վրաց Ուղղափառ եկեղեցու ավտոկեֆալիության 100-ամյա հոբելյանի առիթով եւ Վրաց Պատրիարքին մաղթեց առողջություն եւ գահակալության արելաշատ օրեր:

Նշենք, որ Վրաց Ուղղափառ եկեղեցին Ավտոկեֆալիությունը ստացել էր 457 թվականին՝ Անտիոքի եկեղեցուց:

1811 թվականին, Ռուսաստանի կայսրության կողմից, ի խախտումն Գիորգեւսկի տրակտատի, երկրի տարածքի բռնազավթումից հետո, ավտոկեֆալիությունը վերացվեց: Այն վերականգնվեց գրեթե 100 տարի անց՝ 1917 թվականի մարտի 25-ին: Վրաց եկեղեցու անկախությունը ճանաչել էին ուղղափառ բողոք եկեղեցիները, թեպետ դա գրավոր չէր վավերացվել: Վրաց Ուղղափառ եկեղեցու անկախությունը Ռուսաստանի Ուղղափառ եկեղեցին պաշտոնապես ճանաչեց միայն 1943 թվականին:



ՆԱԽԱԳԱՀԸ ԽՈՐՀՐԴԱՐԱՆՈՒՄ ՀԱՆԴԵՍ ԿԳԱ ԱՊՐԻԼԻ 7-ԻՆ

Վրաստանի նախագահ Գիորգի Մարգվելաշվիլին խորհրդարանում իր ամենամյա հաշվետվությանը ելույթ կունենա ապրիլի 7-ին:

Նախագահական հաշվետվության ժամանակ խորհրդարանում կգտնվեն երկրի գործադիր իշխանության ներկայացուցիչները՝ վարչապետ Գիորգի Կվիրիկաշվիլու գլխավորությամբ:

Ինչ վերաբերում է նախագահի ելույթի ձեւաչափին, ապա խորհրդարանական մեծամասնությունը ծրագրում է օգտվել խորհրդարանական այն աշխատակարգի ձեւաչափից, ըստ որի՝ նախագահի հաշվետվությունից հետո ելույթ են ունենում խորհրդարանական խմբակցությունների ղեկավարները:

ՄԻԱՍՆԱԿԱՆ ԱԶԳԱՅԻՆ ՔՆՆՈՒԹՅՈՒՆՆԵՐ ԳՐԱՆՑՎԵԼ Է 32500 ԴԻՄՈՐԴ

Ինչպես արդեն հաղորդել ենք, մարտի 31-ին ավարտվում է Միասնական ազգային քննությունների համար դիմորդների գրանցումը: Ինչպես տեղեկացրին Վրաստանի քննությունների եւ գնահատման ազգային կենտրոնից, գրանցման հիմնական փուլն արդեն անցել է 32500 դիմորդ: Այդ փուլում իրականացվում է ամենական տվյալների գրանցումը քննական քաղաքի ընտրությունն ու հանձնվելիք առարկաների մատնանշումը: Դրանից հետո, դիմորդը իրավունք չունի փոխելու քաղաքը, թեպետ մինչև մայիսի 20-ը նա կարող է փոփոխություններ կատարել հանձնվելիք քննական առարկաներում, կատարել լրացումներ:

ՊԱՏԻՃՆԵՐԸ ԹԵԹԵՎԱՑՎՈՒՄ ԵՆ

Վրաստանի կառավարության կողմից երկրի խորհրդարանին ներկայացվել է «Վարչական իրավախախտումների օրենսգրքում» փոփոխությունների օրինանախագիծը, ինչը նախատեսում է օրենսդրական նախաձեռնությունների նախադրյալը, սահմանադրական դատարանի կողմից ընդունած որոշումների համար: Օրինանախագիծը համաձայն, կանեփի եւ մարիխուանայի զման, պահման, օգտագործման համար վարչական տուգանքը 500 լարիից նվազեցվել է մինչև 300 լարի, իսկ 15-օրյա վարչական արգելափակումն ընդհանրապես վերացվում է:

ՀՐԱԶՆԻ ԿԱՍԱՎՈՐ ՀԱՆՁՆՈՒՄ

Մարտի 26-ին Նինոծմինդայի եւ Ախալքալաքի հինգ բնակիչներ Սամցխե-Ջավախեթի ոստիկանության դեպարտամենտին կամավոր հանձնել են տարբեր տեսակի հրազեն եւ զինամթերք: ՆԳ նախարարության տեղեկատվությամբ, ընդհանուր առմամբ, հանձնվել է 1530 մարտական փամփուշտ, չորս փաթեթ պայթուցիկ, 50 նռնակ, երկու այսպես կոչված կարծափող մի ատրճանակ, ինքնաձիգի վեց փամփուշտատուփ եւ ծխահար հինգ նռնակ:

Վերոնշյալ անձինք ազատվել են քրեական պատասխանատվությունից:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (31 մարտի)

ՏԱՐԱԴՐԱՄ	ՍՈՔ	ՎԱՃԱՌՔ
ԱՄՆ ԴՈԼԱՐ	2.365	2.455
ԵՎՐՈ	2.502	2.648
ՌՈՒՔԼԻ	0.04	0.047
ԴՐԱՄ	0.0037	0.0054

Ազգային բանկի կողմից սահմանվել է տարադրամի հետեւյալ կուրսը:

Մարտի 24-ի համեմատությամբ, դոլարի կուրսը նվազել է 0,03 լարիով:

ԲՈՆԱԶԱՎԹՎԱԾ ՏԱՐԱԾՔ

ԱՆՑԿԱՑՎԵՑ ԱՐԽԱԶԻԱՅԻ «ԽՈՐՀՐԴԱՐԱՆԻ ԸՆՏՐՈՒԹՅՈՒՆՆԵՐԻ» ԵՐԿՐՈՐԴ ՓՈՒԼԸ

Ինչպես արդեն հաղորդել ենք, մարտի 12-ին ինքնահռչակ Արխազիայի Հանրապետությունում անցկացվեց խորհրդարանական ընտրությունների առաջին փուլը, որի արդյունքներով 35 ընտրատարածքներից միայն 12-ում ի հայտ եկան հաղթողները: Սնացած 22 ընտրատարածքներում մարտի 28-ին անցկացվեց «ընտրությունների» երկրորդ փուլը:

Առաջին փուլի արդյունքներով, Արխազիայի «խորհրդարանի» պատգամավորներ էին ընտրվել նաեւ արխազահայեր Լեւոն Գալստյանն ու Աշոտ Մինոսյանը: Ընտրությունների երկ-

րորդ փուլի արդյունքներով, որին այլոց հետ միասին մասնակցում էին Երիկ Ռշտունին, Գալուստ Տրապիզոնյանը եւ Լեւոն Դաշչյանը, հաղթող դարձավ վերջինս:



ՔԵԹԵՎԱՆ ՅԻՆԵԼԱՆՎԻԻ. «ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐԸ ԱՆՕՐԻՆԱԿԱՆ ԵՆ»

Արխազիայում անցկացված, այսպես կոչված, խորհրդարանական ընտրությունների կապակցությամբ, Վրաստանի հաշտեցման եւ քաղաքացիական իրավահավասարության պետնախարար Քեթեվան Յինելանվիլին հանդես եկավ հայտարարությամբ, ըստ որի՝ այդ ընտրություններն անօրինական են եւ դրանց արդյունքները չեն ճանաչվի միջազգային հանրության կողմից. «Այդ

ընտրությունները ապագա չունեն: Ընդհակառակը, դրանք բունբանդի տեսքով կվերադառնան Ռուսաստանին, իսկ մենք, մեր հերթին, խաղաղ եւ ծրագրավորված Ցխինվալիի երկրամասի ու Արխազիայի մեր համաքաղաքացիների համար կստեղծենք լավ պայմաններ եւ նրանց կցուցադրենք եվրոպական Վրաստանը»,- հայտարարեց Քեթեվան Յինելանվիլին:

ՕՐԵՆԱԴՐՈՒԹՅՈՒՆ

ԻՆՔՆԱԿԱՌԱՎԱՐՄԱՆ ՅՈՒԹ ՔԱՂԱՔՆԵՐԻ ԿԱՐԳԱՎԻՃԱԿԸ ԿԱՐՈ՞Ղ Է ՎԵՐԱՑՎԵԼ

Վրաստանի կառավարության օրակարգում կրկին բարձրացվել է նախկին մուհիցիպալիտետների միավորման թեման: Խոսքը վերաբերում է Ախալցխի, Ջուզղիդի, Օզուրգեթի, Գորիի, Թելավիի, Մցխեթայի եւ Ամբրուլաուրիի ինքնակառավարման քաղաքի կարգավիճակի վերացմանը:

Ոչ կառավարական կազմակերպությունների ներկայացուցիչները դա համարում են ետընթաց քայլ ու խորհրդարանի նախագահին եւ վարչապետին կոչ են անում այդ հարցում որոշում չընդունել:

Ինչպես հայտարարեցին տարածաշրջանային զարգացման նախարարությունում, 2014 թվականին իրականացված ինքնակառավարման բարեփոխումը փուլային առումով նշանակալի առաջընթաց քայլ էր, թեպետ սպասելիքները լրիվությամբ չարդարացրեց: Գերատեսչության հավաստմամբ, բարեփոխումը դրական արդյունքների հանգեցրեց ինստիտուցիոնալ կառավարման հարցում, այն դարձավ առավել ժողովրդավարական ու թա-

փանցիկ, հստակորեն բաժանվեցին կենտրոնական եւ տեղական իշխանությունների գործառնությունները, ինքնակառավարման միավորների հնարավորություններն ու ռեսուրսները զգալիորեն ավելացան:

Ինչ վերաբերում է թերացումներին, ապա, նախարարության հավաստմամբ, ծրագրվում է քաղաքացիների առավել ներգրավում ինքնակառավարման եւ որոշումների ընդունման գործընթացում, մուհիցիպալային սպասարկումների մատչելիության ավելացում եւ դրանց որակի բարելավում: Սպասումները չարդարացրին նաեւ կոմկրեւտ մուհիցիպալների կողմից եկամուտների ավելացման հարցում: «Իրականում ակնհայտ է, որ մատուցող սպասարկումների որակը եւ դրանց մատ-

չելիությունը չբարելավվեց, իսկ առանձին դեպքերում էլ՝ վատթարացավ: Շարունակվում է ռեսուրսների անարդյունավետ օգտագործումը: Տեղաշարժեր չեն նկատվել նաեւ քաղաքացիների ներգրավման տեսանկյունից: Եսկանորեն չփոխվեց նաեւ եկամուտների ստացման գործընթացը, փոխարենը գրեթե կրկնապատկվեցին վարչարարական ծախսերը՝ մի ինքնակառավարման փոխարեն ստեղծվեցին երկուսը, հետեւաբար կրկնապատկվեցին նաեւ ծախսերը»,- նշված է գերատեսչության հաղորդագրության մեջ:

Ինչպես տեղեկացրել է տարածաշրջանային զարգացման նախարարությունը, ելնելով վերոնշյալից, կրկին բարձրացվել է մուհիցիպալիտետների միավորման հարցը, թեպետ այդ ուղղությամբ իրականացվող փոփոխությունները չեն առնչվի քաղաքապետների եւ վարչության նախագահների ընտրության թեմային:

ԱՐԵՎԻԿԱ ՄԱՆՈՒԿՅԱՆ

ԳԱՂՏՆԱԼՍՈՒՄՆԵՐԻ ՕՐԵՆՔԸ ՄՏԱԿ ՈՒԺԻ ՄԵՋ

Մարտի 30-ից ուժի մեջ մտավ գաղտնալսումների մասին օրենքը: Իսկ այն իրականացնող օպերատիվ-տեխնիկական գործակալությունը հիմնվելու է առաջիկա երեք ամսվա ընթացքում:

Նշենք, որ Վրաստանի նախագահ Գիորգի Մարգվելաշվիլին մարտի 27-ին հավանություն տվեց գաղտնալսումների թույլտվության, համապատասխան գործակալության ստեղծման օրենքը, որին մինչ այդ վետո էր դրել եւ իր դիտողություններով առաքել խորհրդարանին: Օրենսդիր մարմինը ձայների մեծամասնությամբ կարողացավ հաղթահարել նախագահական վետոն: Ընդունված օրենքի համաձայն, օպերատիվ տեխնիկական գործակալությունը պետք է տեխնիկական միջոցներով իրականացնեք տեխնիկական լսումները: Նախագահ Մարգվելաշվիլին առաջարկել

էր այդ գործակալությունը դնել վարչապետի եւ ոչ թե անվտանգության ծառայության ենթակայության ներքո:

Նշենք, որ գործակալության ղեկավարին նշանակելու է վարչապետը, թեկնածուներին առաջադրելու է անվտանգության ծառայության հետ եւ այն ներկայացնելու են հանձնաժողովի հաստատմանը: Նոր ծառայության վերահսկողությունը իրականացնելու են խորհրդարանը, վարչապետը, դատարանը, անհատական տվյալների պաշտպանության տեսուչը եւ պետական աուդիտի ծառայությունը:

ԱՆԱՅՅԵԳՐԱՅԻՆ ՊԱՅՄԱՆԱԿԱՐԳ

ԱՆԱՅՅԵԳՐԱՅԻՆ ՊԱՅՄԱՆԱԿԱՐԳ ԱՐՏՈՆՈՒԹՅՈՒՆՆԵՐ ԵՎ ՊԱՏԱՍԽԱՆԱՏՎՈՒԹՅՈՒՆ

Ընթացիկ տարվա մարտի 28-ին ուժի մեջ մտավ Եվրամիության եւ Շենգենյան գոտու անդամ երկրների Վրաստանի քաղաքացիների համար անայցեգրային պայմանակարգը: Չեր ուշադրության ենք ներկայացնում անայցեգրային պայմանակարգով նախատեսված պարտադիր ընթացակարգերը:



* Եվրամիություն/Շենգենյան գոտու անդամ երկրների տարածք մուտք գործելու ժամանակ Վրաստանի քաղաքացին.

ԵՎՐԱՄԻՈՒԹՅԱՆ ԵՎ ՇԵՆԳԵՆՅԱՆ ԳՈՏՈՒ ԱՆԴԱՄ ԵՐԿՐՆԵՐԸ, ՈՒՐ ԿԱՐՈՂ ԵՔ ՄԵԿԵԼ ԱՌԱՅՈՒ ԱՅՅԵԳՐԻ

Վրաստանի եւ Եվրամիության միջեւ հաստատված անայցեգրային պայմանակարգը նախատեսում է առանց վիզայի ուղեւորություն Վրաստանի այն քաղաքացիների համար, ովքեր ունեն կենսաչափական անձնագիր Շենգենյան գոտու տարածք, որը ներառում է Եվրամիության 22 անդամ երկրներ (Ավստրիա, Բելգիա, Գերմանիա, Դանիա, Իսպանիա, Էստոնիա, Իտալիա, Լատվիա, Լիտվա, Լյուքսեմբուրգ, Մալթա, Նիդերլանդներ, Լեհաստան, Պորտուգալիա, Յունաստան, Ֆրանսիա, Սլովակիա, Սլովենիա, Չեխիա, Եվրոպա, Յուգոսլավիա, Բուլղարիա, Ֆինլանդիա), բացառություն են կազմում Մեծ Բրիտանիան ու Իռլանդիան եւ Եվրամիությունում չներգրավված չորս երկրներ (Իսլանդիա, Լիխտենշտեյն, Նորվեգիա, Շվեյցարիա): Անայցեգրային ուղեւորության պայմանակարգը գործում է նաեւ Շենգենյան գոտու անդամության թեկնածու չորս երկրներում (Բուլղարիա, Կիպրոս, Ռումինիա, Խորվաթիա):

ԻՆՉ Է ՆԱԽԱՏԵՍՈՒՄ ԱՆԱՅՅԵԳՐԱՅԻՆ ՊԱՅՄԱՆԱԿԱՐԳԸ

* Անայցեգրային պայմանակարգը չի առնչվում երկարաժամկետ այցելություններին, օրինակ, բարձրագույն կրթություն ստանալու կամ աշխատանքի համար: * Կարճաժամկետ այցելուրդ նախատեսվում է 180 օրվա ընթացքում ցանկացած 90 օր, այսինքն՝ ցանկացած վեց ամսից միայն երեք ամիսը: 180 օրվանից թույլատրելի 90 օրը կարելի է օգտագործել լրիվությամբ կամ օրերը բաժանել: * 90 օրվա ընթացքում թույլատրելի է բազմակի մուտք Եվրամիության (Շենգենյան գոտու) անդամ երկրների տարածք, սակայն անհրաժեշտ է համոզվել, որ ձեր այցելության տեւողությունը, ընդհանուր առմամբ, չի գերազանցի վերջին 180 օրվա ընթացքում 90 օրը: Եվրամիության (Շենգենյան գոտու) անդամ երկրների տարածքում տեւական ժամանակահատվածով ուղեւորության ցանկության դեպքում, կրկին կգործի այցեգրային պայմանակարգը, եւ Վրաստանի քաղաքացիները այցեգիրը ստանալու համար պետք է դիմեն Վրաստանում հավատարմագրված համապատասխան երկրների հյուպատոսությանը: Անայցեգրային ուղեւորության պայմաններով նախատեսված 90-օրյա տեւողության կարճաժամկետ այցեգ-

րի նպատակը կարող է լինել զբոսաշրջությունը, ընտանիքի անդամների (ազգականների) մերձավորների հետ հանդիպումը, գործնական հանդիպումների բանակցությունների վարումը, միջազգային խորհրդաժողովներին, գիտաժողովներին, սիմպոզիումներին կամ ցուցահանդեսներին մասնակցությունը, կարճաժամկետ ուսումնական դասընթացներին եւ վարժանքներին, փոխանակման ուսումնական ծրագրերին մասնակցությունը, մշակութային-գիտական եւ մարզական միջոցառումներին մասնակցությունը, բժշկական սպասարկումներից օգտվելը՝ կարճաժամկետ բուժական կուրս/վիրահատություն:

ՓՍՍԱՏԱՐԴՈՒԹՅՈՒՆ, ՈՐՈՆՔ ՄԵՆԻՍԻՏԵՆ ԵՆ ԱՆԱՅՅԵԳՐԱՅԻՆ ՈՒՂԵՎՈՐՈՒԹՅԱՆ ՆԱՍՏՐ

* Գործող կենսաչափական անձնագիր, որի գործողության ժամկետը Վրաստան վերադառնալու օրվա համար չպետք է լինի վեց ամսից պակաս: * Եվրամիության/Շենգենյան գոտու անդամ երկրների տարածք մուտք գործելու ժամանակ սահմանային ծառայության ներկայացուցիչները հնարավոր է հետաքրքրվեն, թե ինչն է ձեր ուղեւորության նպատակը (օրինակ, գործնական այց, զբոսաշրջություն, բարեկամների կամ ազգականների հետ հանդիպում, 90-օրյա ժամկետով ուսումնական դասընթաց): Ուղեւորության նպատակը հաստատելու համար սահմանային ծառայության ներկայացուցիչները իրավասու են պահանջելու հետեւյալ փաստաթղթերը. * Վրաստան վերադառնալու տոմսը, հյուրանոցի ամրագիրը, ճանապարհորդական ապահովագրությունը, ճանապարհորդության ֆինանսական ապահովումը հաստատող փաստաթուղթը (օրինակ, կանխիկ գումարը, ճանապարհորդական կտրոնը, գործող բանկային էլեկտրոնային քարտ):

ՆԱՐԱՎՈՐ ԲԱՐՊՈՒԹՅՈՒՆՆԵՐԻ ԿԱՆԽՄԱՆ ՆԱՍՏՐ

* Մինչեւ Եվրամիության /Շենգենյան գոտու անդամ երկրներում գտնվելու 90-օրյա (180 օրերից) ժամկետի սպառումը՝ Վրաստանի քաղաքացին պետք է հեռանա Շենգենյան գոտուց: Այդ երկրներում 90 օրից ավելի գտնվելու դեպքում, երկրորդ անգամ ուղեւորվելը հնարավոր կլինի միայն Շենգենյան գոտին թողնելուց 90-օրյա ժամկետի անցումից հետո:

- չպետք է գտնվի այն անձանց ցուցակում, ովքեր սպառնալիք են ստեղծում հասարակական կարգուկանոնին եւ առողջությանը կամ ներքին անվտանգությանը,
- չպետք է լինի դատված Եվրամիության/Շենգենյան գոտու անդամ երկրների քրեական դատարանների կողմից այնպիսի իրավախախտումների համար, որոնք նախատեսում են ազատազրկում՝ մինչեւ մեկ տարի ժամկետով,
- չպետք է լինի Եվրամիության/Շենգենյան գոտու անդամ երկրներից նրա արտաքսման մասին որոշումը,
- չպետք է լինեն հակաօրինական գործունեությունում նրա մասնակցության կամ նման մտադրության մասին անտարակուսելի ապացույցներ,
- չպետք է լինեն այն անձանց ցուցակում, ում արգելված է մուտք գործել Եվրամիության/Շենգենյան գոտու անդամ երկրների տարածք:
- * Վրաստանի քաղաքացիները պարտավոր են պաշտպանել այդ երկիր մուտք գործելու եւ գտնվելու օրենքները, նաեւ՝ այդ երկրներում գործող մյուս օրենքները.
- 90-օրյա ժամկետի սպառման դեպքում, Եվրամիության/Շենգենյան գոտու անդամ երկրների տարածքում գտնվելը կհամարվի անօրինական: Այդ անձը կարտաքսվի երկրից, նա տուգանվում է երեք հազար եվրո գումարով ու, միաժամանակ, հինգ տարի ժամկետով զրկվում է Եվրամիության/Շենգենյան գոտու անդամ երկրների տարածք մուտք գործելու իրավունքից:
- Օրինակաւորեն գտնվելու ժամանակահատվածում այլ իրավախախտումներ կատարելու դեպքում, Վրաստանի քաղաքացիներին կսահմանվի համապատասխան պատասխանատվությունը գտնվելու երկրի օրենսդրության համաձայն, որից հետո նա կարտաքսվի այդ երկրից եւ հինգ տարի ժամկետով իրավունք չի ունենա մուտք գործել Եվրամիության/Շենգենյան գոտու անդամ երկրների տարածք:
- Եվրամիության/Շենգենյան գոտու անդամ երկրներում առանց աշխատանքի թույլտվության աշխատելը համարվում է անօրինական, ինչը հնարավոր է հանգեցնի այդ երկրից արտաքսման եւ այդ երկիր մուտք գործելու արգելքի:

ՍԻՄՈՆ ԿԻԼԱՉԵ

ԳԱՅՄԱՆ ԼՎՈՋՅԱՆԸ ՎՐԱՍՏԱՆԻ ՎԱՐՉԱՊԵՏԻ ԴԵՏ ԱԹԵՆՔՈՒՄ ԵՎ ԲՐՅՈՒՍԵԼՈՒՄ

Գայանեի մասին առաջին անգամ իմացա մի քանի օր առաջ վրացական Չանրային հեռուստատեսության լրատվական «Մոմբե» հաղորդաշարից, որտեղ նա հարցազրույց էր տալիս վիզալիբերալիզացիայի, նրա առավելությունների մասին, ինչ փաստաթղթեր են հարկավոր արտասահման մեկնելու, որ, այնտեղ հայտնվելու դեպքում, տեղի սահմանապահները քեզ՝ հետ չուղարկեն նույն ինքնաթիռով: Աթենքից եւ Բրյուսելից վերադառնալուց հետո մեր թղթակիցը հանդիպեց Գայանեի հետ:

- Գայանե, գրույցը սկսենք «Մոմբեի» տված քո հարցազրույցից: Որտեղի՞ց է քո հոյակապ վրացերենի իմացությունը:
- Օրջայից:
- Օրջայի՞ց:
- Այն փոքրիկ սիրունիկ գյուղից, որն ընկած է Ախալքալաքի շրջանի Արագվայի եւ Խանդոյի միջեւ եւ...
- ... Եվ իմ վրացերենի ուսուցչուհիներ Լեյլա Ռախայանի եւ Աննա Բուկիայի շնորհիվ: Բայց դա, ինչպես պարզվեց, սկիզբն էր, կատրելագործությունը սկսվեց, երբ 2012-ին դպրոցս գերազանց ավարտելուց հետո՝ «1+4» ծրագրով ընդունվեցի Իլիայի անվան համալսարանի սոցիոլոգիական ֆակուլտետը, որտեղ էլ իմ վրացերենը դարձավ այնպիսին, ինչպիսին դուք լսեցիք «Մոմբեում»: Այսօր շատ ազատ հաղորդակցվում եմ վրացերենով, ցանկացած թեմայով:
- Իսկ այդպես խորը վիզալիբերալիզացիայի մասին այդքան բան որտեղի՞ց գիտես:
- «Վրաստան» թերթից, ձեր թերթի օգնությամբ լրիվ տեղյակ եմ ոչ միայն վիզալիբերալիզացիայի, այլ շատ ուրիշ քաղաքական, մշակութային եւ մեր երկրին հուզող այլ հիմնախնդիրներին:
- Ինչպե՞ս հայտնվեցիք վարչապետի ղեկավարած պատվիրակությունում, Գունաստանի ու Բելգիայի մայրաքաղաքներ

մեկնելու համար:
- Ասացին, որ Թբիլիսիի 20 բուհերից մեկական ուսանող պետք է լինի պատվիրակությունում: Մեր համալսարանից այդ պատվը ինձ տրվեց:
- Տպավորություններ՞որ:
- Ֆանտաստիկ: Առաջին անգամ էի ինքնաթիռով ուղեւորվում, այն էլ հատուկ կառավարական ինքնաթիռով: Ֆանտաստիկ էր ոչ միայն այդ պատճառով, այլ նաեւ նրանով, որ Աթենքը եւ Բրյուսելը իրենց ճարտարապետությամբ եւ գեղեցկությամբ շքեղացրեցին ինձ ու իմ ընկերներին, որ այդ «էքսկուրսիաների» ժամանակ մեր կողքին էր վարչապետը, մեր նախարարները, այդ թվում եւ կրթության ու գիտության նախարարը:
- Էլ ինչո՞վ զարմացաք:
- Աթենքի Ակրոպոլիսից: Ակրոպոլիսի բարձունքից Աթենքի տեսքը հիշեցրեց Թբիլիսին, երբ նրան նայում ես Ֆունիկուլյորից: Այնտեղ վարչապետն ինձ ասաց. Գայանե, արի նկարվենք, եւ նկարվեցինք:
- Այս տարի ավարտում ես համալսարանը: Դե՞տո՞...
- Դե՞տո՞ վերադառնում եմ Օրջա:
- Օրջա՞: Ի՞նչ ես անելու այդ սիրունիկ ու փոքրիկ Օրջայում:
- Սոցիոլոգիան բազմակողմանի գիտություն է: Գալիս եմ այն ժամանակները, որ շու-



տով փոքր գյուղերին էլ հարկավոր կլինեն իրենց սոցիոլոգները, համակարգիչի ու բարձր տեխնոլոգիաների մասնագետները...
- Քո հաջողությունների համար ո՞ւմ կհայտնեիր առաջին հերթին շնորհակալություն:
- Իմ սիրելի դպրոցի ուսուցիչներին եւ համալսարանի դասախոսներին, իհարկե, ծնողներին, եղբորս, տատիկիս, Մարտինին ...
- Երջանկություն քեզ՝ Գայանե, նորանոր հաջողություններ ու առաջընթաց քո ապագա գործերում...

ԱՆԱՅՅԵԳՐԱՅԻՆ ՊԱՅՄԱՆԱԿԱՐԳԻ ԴԱՐՑՈՎ ԳՈՐԾՈՒՄ Է ԹԵԾ ԳԻԾ

Ինչպես տեղեկացրել է Վրաստանի արտաքին գործերի նախարարությունը, անայցեգրային պայմանակարգի կիրարկման կապակցությամբ, ԱԳ նախարարության եւ դիվանագիտական ներկայացուցչությունների թեժ գծերը անցել են արտակարգ աշխատակարգի: Վրաստանի քաղաքացիները, շուրջօրյա կարող են դիմել գերատեսչությանը՝ 2-94-50-50 հեռախոսահամարով եւ ստանալ սպառիչ տեղեկատվություն ու անհրաժեշտ օգնություն անայցեգրային ուղեւորության կարգի եւ ընթացակարգի վերաբերյալ: Շուրջօրյա աշխատակարգով են գործում նաեւ արտասահմանում Վրաստանի դիվանագիտական առաքելություններն ու հյուպատոսական հաստատությունները: ԱԳ նախարարի նախաձեռնությամբ, Եվրոպայի առանձին մայրաքաղաքների օդանավակայաններում, որոնք անմիջական չվերթերով կապված են Վրաստանի հետ, Վրաստանի քաղաքացիներին կդիմավորեն հյուպատոսական ներկայացուցչության աշխատակիցները: